

**Inatsisitigut ataataqanngitsut
pisinnaatitaaffeqalissasut**

Decemperi 2016

Inatsisitigut ataataqanngitsut pisinnaatitaaffii pillugit paasissutissat

Inatsikkut 1. juni 2014-mi atuutilersukkut inatsisitigut ataataqanngitsut ataataqarneran-nut kingornussisussaananerannullu il.il. tunngasunik meeqqatut allatulli aappariinnerup avataati-gut inunngorsimasut assigalugit pisinnaatitaaffealissapput.

Kalaallit Nunaanni inunngorsimaguit, ataataavillu kiunera ulloq-manna tikillugu paasiniarnissaa-nut pisinnaatitaaffeqarsimanngikkuit, taava "inatsisitigut ataataqanngitsut" isigineqassaati:

- juni 1963-ip siorngagut Kalaallit Nunaanni inunngorsimaguit, imaluunniit Avannaani Tu-numiluunniit 1. juni 1974-ip siorngagut inunngorsimaguit, inunngoravillu anaanat ataatalu katissimasimanngippata.
- juni 1963-mi imaluunniit tamatuma kingornatigut Kalaallit Nunaanni inunngorsimaguit, imaluunniit Avannaani Tunumiluunniit 1. juni 1974-ip siorngagut inunngorsimaguit, inunngoravillu anaanat ataatalu katissimasimanngippata, ataataassarsiunerlu eqqartuussivimmi aalajangerneqarmat angut angutilluunniit akilersuisussaasutut eqqartuunneqarsimappata.

Inatsit tunngavigalugu illit inatsisitigut ataataqanngitsut makku pisinnaatitaaffigilis-sa-vatit:

- Ataatavit kiunera qulakkeerumallugu ataataassarsiuisoqarnissaanik piumasaqarsinnaavutit. Tamanna atuuppoq ataatavit kalaaliunera, qallunaajunera imaluunniit nunamit allameersuunera apeqquaatinnagu.
- Ataatat kiusoq paasigukku ataatanit taassumalu ilaqutaanit kingornussisussanngussaati.
- Ataataatut kinguliaquteqalersinnaavutit.

Inatsisitigut ataataqanngitsumut anaanaaguit aamma illit ataataassarsiuisoqassasoq piumasarisin-naavat, paninnut erninnulluunniit kina ataataanersoq qulakkeerumallugu.

Inatsisitigut ataataqangitsoq toqkukut qimagussimappat taassuma pigisai pillugit suliaqar-tup ataatassarsiuneq aallartissinnaavaa. Taamatutaaq inatsisitigut ataataqanngitsup arnaa toqkukut qimagussimappat taassuma pigisai pillugit suliaqartup ataatassarsiuneq aallartissinnaavaa.

Inatsisitigut ataataqanngitsut pillugit inatsit sukumiisumik sm.dk-mi paasiniarsinnaavat. Ujarlerfissami "Arbejdsområder"-mi "Familier" toqqaruk. Tulliullugu toqqassavat "Juridisk faderløse". Taanna aammattaaq uani nassaarisinnaavat naalackersuisut.gl. Naalackersuisut toqqaruk. Kingorna Aqutsisoqarfiit ataani Isumaginninnermut Ilaqutariinnut, Naligiissitaanermut, Inatsisinillu Atortitsinnermut Naalackersuisoqarfik. Kingorna Inatsisitigut Ataataqanngitsut toqqaruk.

Ilisersuut

Ataatassarsuineq qanoq aallartinneqarsinnaava

Kiap suliarissavaa

Kalaallit Nunaanni najugaqaruit ataatassarsiuinermit suliasaq najukkanni eqqartuussiviup sulia-rissavaa.

Ataatassarsiuinermit suliasanngortitsinermit kina ataatagisimasinnaanerlugu paaseqqaartaria-qanngilat.

Kalaallit Nunaanni najugaqanngikkuit ataatassarsiuinermit suliaq eqqartuussivimmi suliarineqassaaq, illit pasitsaassat tunngavigalugu ataatagigunakkavit illoqarfiani. Angut taanna toqusi-mappat suliaq suliarineqassaaq pigisai pillugit eqqartuussivimmi suliarineqarfiani. Kina ataatagalugu nalugukku imaluunniit sumi najugaqarnera nalugukku suliaq Eqqartuussisoqarfiup Sermersuup suliarissavaa.

Ataatassarsiuneq aalajangiiffiqineqareersimappat angullu angutilluunniit akilersuisussaasut eqqartuunneqarlutit – kisianni taakkua arlaannaalluunniit ilinnut ataataanngitsut eqqartuunneqanngippata – taava ataatassarsiuneq eqqartuussivimmi suliap aalajangerneqarfiani suliarineqassaaq.

Kalaallit Nunaanni eqqartuussiveqarfiit il.il. sumiiffii nittartakkami domstol.gl-mi nassaarisinnaavatit. Nittartagaq "kontaktinformation" toqqaruk.

Qanoq ilioruit ataatassarsiuineq aallartissinnaaviuk

Eqqartuussivimmuq suliap suliarineqarfissaanut allagaqarlutit ataatassarsiuisoqassasoq piumasarisinnaavat (oqaaseqatigiit kingulliit siulii takukkit).

Atitit, maanna najukkat inuttullu normut imaluunniit ulloq inungorfiit eqqartuussivimmuq tunniutissavatit.

Aamma sumi inunngorsimaneerit anaavillu atii tamaasa, maannalu najugaa, inuttut normua imaluunniit ulloq inunngorfia nunalu inunngorfia ilannguttuugukkit eqqartuussivimmi sulisunut iluaqutaassaaq.

Isumaqaruit nalunagu kina ataagalugu imaluunniit ataatatut isigalugu eqqartuussivimmullu nalunaarutigalugit, taava tamanna ataatassarsiunerup suliarineqarneranut pisariillisaataasaaq, ajornanngippat ataataassutsip uppersarnaratigut, soorlu allagaatinik uppersaatinik, allakkanik il.il. Ataatisimasinnaasannut paasissutissat suulluunniit pingaaruteqarsinnaapput.

Ataatassarsiuineq eqqartuussiviup qanoq suliarisarpaa

Ataatassarsiuinermit Suliaq eqqartuussiviup uliassaraa, paasissutissallu pinngitsoorneqarsinnaanngitsut paasiniarneqassapput angut ilinnut ataataasoq nassaariumallugu.

Suliamut atatillugu eqqartuussivik inunnik suliamut attuumassuteqarlunartunik ilisimannittuullu killisiuisinnaavoq, eqqartuussiviullu inuit suliamut attuumassuteqarlunartut noqqaavigisinnaavai nakorsamit eqqartuussivimmit piginnaaniligaasumit misissorneqaqullugit (DNA-test). Pineqartut tassaapput illit, anaanat angullu ataatisinnaasat suliamut attuumassutillik. Eqqartuussivik paasissutissanik pisortaqaarfinneersunik pissarsiniarsinnaavoq, soorlu illit inungorninnut atatillugu uppersaatinik.

Ataatassarsiuineq ima aalajangerneqarsinnaavoq:

- Angut ilinnut ataataasorisooq ataataassutsi akuerisinnaavaa pappiaqqakkut atsiukkamigut, taannalu nammineerluni politiinut tunniutissavaa imaluunniit nammineerluni kredsdommerimik oqaloqateqarnermigut.
- Ataatisarsiuineq akuerineqassanngippat tamanna ajornanngippat eqqartuussutikkut aalajangerneqassaaq. Ataatisarsiuineq eqqartuussivikkut aalajangerneqarpat pisariaqarpoq ataataassutsip uppersarneqarnissaa.

Illit, anaanat aamma angut ataatisinnaasat sinnerlusi eqqartuussivik inummik inatsisitigut ilinniarsimasumik suliamik ingerlatsisussamik piginnaaniliisinnaavoq.

Angut ataatagisinnaasimasat toqusimappammi

Meeraq, anaanaq imaluunniit ataataasinnaasimasoq toqukkut qimagussimagaluarpataluunniit ataataassarsiuineq ingerlanneqarsinnaavoq. Taamaaliortoqassappat inuup sananeqaataanut tunngasut toqusimasumit tigusat misissuisorneqarsinnaapput. Kiisalu meeqqap inunngorne-rani uppersaatit ataataassuseq pillugu paasissutissaqaratarsinnaasut tunngaviginiarne-qarsinnaapput.

Nalorniguit

Ataatassarsiuinissat qanoq piumasarissallugu nalulerukku nunagisanni eqqartuussiviliarsinnaa-vutit imaluunniit Kalaallit Nunaanni Eqqartuussivik saaffigisinnaavat. Taakkua sumiiffii domstol.gl-mi nanisinnaavatit. Ujarlerfissami "Kontaktinformation" toqqaruk.

Kingorngussisussaataaneq

Ataatannit kingorngussisinnaavunga

Ataatassarsiuineq aalajangerneqarpat ataatannit taassumalu ilaqutaanit kingorngussisinna-avutit.

Malittarisassat 2014-imeersut naapertorlugit kingorngussisarneq pillugu inatsit naapertorlugu kingorngussisinnaavutit, siornatigut ataataassarsiuineq aalajangiiffigineqareersimagaluarpalluun-niit imaluunniit ataataassarsiuineq suliassanngorteqqikkaluarukkuluunniit.

Ataataga toqukkut qimaguppat kingorngussassat ilaannik kingorngussisinnaavunga

Ataatat toqukkut qimagussimagaluarpalluunniit ataatannit taassumalu ilaqutaanit kingorngus-sisinnaavutit, eqqartuussivitsigut ataataassarsiuinerup nalaani toqusup pigisai suli aalajangiiffigi-neqarsimangippata imaluunniit ataataassarsiuineq aalajangiiffigeriigaq pillugu suliassanngortitseqqussumik noqqaassut saqqummiunneqarsimappat.

Tamatumali nalaani kingorngussassat aalajangiiffigineqareersimappata, malittarisassat nutaat naapertorlugit ataataassarsiuineq aalajangiiffigineqareersoq tunngavigalugu kingorngussassat aalajangiiffigeqqinneqarmissaat kisiat siunertaralugu pigisat pillugit suliassanngortitseqqinnissamik piumasaqarsinnaanngilatit.

Kinguliaqut

Inuit aqqi pillugit inatsit Kalaallit Nunaanni atuuttoq tunngavigalugu angajoqqaat, aanaakkut aamma aanaqqiikkut kinguliaat kinguliaqutigineqarsinnaapput. Taama

periarfissaqalissaatit ataataarsarsiuineq aalajangerneqareerpat. Kinguliaqutitaarumalluni qinnuteqaat Kalaallit Nunaanni Naalagaaffiup Sinnisuanut nassiunneqassaaq.

Inatsisit

Inatsit naleqquttoq tassaavoq meeqqat inatsiseqartitaanerat aamma kingornussisarneq pillugu Kalaallit Nunaanni inatsisit allangortinneqarnissaanik inatsit nr. 483, 22. maj 2014-meersoq.

Taama inatsisiliornikkut meeqqat inatsiseqartitaanerat pillugu Kalaallit Nunaanni inatsit nr. 197, 16. juni 1962-meersoq aamma kingornussisarneq pillugu Kalaallit Nunaanni inatsit nr. 154, 27. maj 1964-meersoq allangortinneqarput.

Børne- og Socialministeriet

Holmens Kanal 22
1060 København K
Tlf: + 45 33 92 93 00
sim@sim.dk
www.sm.dk
